

**Usprooch vun der Familljeministerin
Madame Marie-Josée JACOBS
fir den 20ten Anniversaire vun der ANCE
(Association Nationale des Communautés Educatives)**

Cap, den 29. Oktober 1998

Här Éierepräsiident,
Här Präsiident,
Här Linster,
Sehr geehrter Herr Tilman ALLERT,
Léif Éieregäscht,
Léif Memberen vun der ANCE,
Dir Dammen an Dir Hären,

Et as mer eng grouss Freed, haut bei
Geleënheet vun dem 20ten
Anniversaire vun der ANCE, lech
meng beschte Gléckwësch
z'iwërbréngen.

Zënter 20 Joer steet ANCE am
Déngscht vun eise Kanner,
besonnesch vun deenen déi an enger
schwéierer Liewensphas stin, sief et,
dat se nët an hirer Famill kënnen
liewen, sief et datt se sozial
ausgeschloss sin oder sief et, datt se
ënner engem Handicap leiden.

Ënner dem Impuls vun hirem
Grënnongspräsiident, dem Här Emile
HEMMEN, deen bannen den éischten
fënnef Joëren d'Jalonen fir déi
zoukënfteg Aarbecht geluecht huet, a
vum Här Robert SOISSON, deen elo
schons 16 Joër mat vill perséinlechem
Engagement d'ANCE-Aktivitéiten
féiert, huet d'Associatioun ëmmer
versicht all Formen vun erzéiereschen
Hëllef weider z'entwéckelen.
Hinnen gëllt mäin grouse Merci fir
hiren wäertvollen Asaz, virun allem
well si der ANCE trei bliwwen sin. Dass
an deene 20 Joër nëmmen 2
Presidenten déer Associatioun
virstungen, as d'Zeechen vun der

grousser Kontinuitéit, déi dodurch
konnt garantéiert gin. Och dass Leit
wéi den Här Roger Linster, deen
besonnesch un der Integratioun vun
den handicapéierte Kanner an eiser
Gesellschaft bedeelegt war, op deen
heitegen Dag ënnert eis as, gelt als
weidere Beweis vun der Kontinuitéit.
Haut kann d'ANCE houfreg sin op hir
ronn 200 Memberen, dorënner
Institutionen wéi Kannerheemer,
Häiser fir handicapéiert Kanner,
Eltereverenegongen a
Professionneller aus dem soziale
Gebitt.

D'ANCE as, wéi mer wëssen, den 9.
Juni 1978 gegrënnt gin als déi
lëtzebuergesch Sektoun vun der
FICE, der *Fédération internationale
des Communautés Educatives* déi
1948 ënnert dem Patronage vun der
UNESCO entstanden as. D'FICE huet
also och, wéi UNO-
Menschenrechtskonventioun, 50 Joer
kritt ; dëss 2 Geburtsdeeg gin jo dann
och an deem Joër besonnesch
gefeiert.
Et as an dem Kontext sécherlech eng
besonnesch Eier fir Lëtzebuerg, dass
den Här Robert SOISSON zënter
enger Rei Joëren och nach zugläich
de Präsiident vun der FICE as. Him
nach eng Kéier e besonnesche Merci
vun dëser Plaz aus fir säin
onermiddlechen Asaz op
internationalem Niveau.
E wichtegen neien Impuls fir
d'Aarbecht vun der FICE huet d'UNO
Kannerrechtskonventioun vun 1989